

唐宋史料筆記叢刊

龍川別志

〔宋〕蘇轍撰



唐宋史料筆記叢刊

龍川
龍川
別略
志

〔宋〕蘇轍撰

中華書局

唐宋史料筆記叢刊

龍川略志

龍川別志

〔宋〕蘇轍撰

俞宗憲點校

•

中華書局出版

（北京王府井大街36號）

新華書店北京發行所發行

北京第二新華印刷廠印刷

•

850×1168毫米 1/32·3²/4 印張·59千字

1982年4月第1版 1982年4月北京第1次印刷

印數 00,001—17,300 冊

統一書號：11018·1016 定價：0.44元

點校說明

蘇轍（一〇三九——一一二二），字子由，晚年自號穎濱遺老，四川眉山人，與其父蘇洵、兄蘇軾號稱三蘇，爲宋代著名政治家、文學家。

蘇轍由進士與制舉出身，歷任尚書右丞、門下侍郎，在北宋中期激烈的政治鬥爭中是重要人物之一，在政治上有相當大的影響。龍川略志和別志是他晚年隱居循州龍川時所寫的筆記，略志主要追憶平生參與的各項政治活動，別志則主要記錄所聞前賢及時賢的軼事。這些筆記反映了蘇轍政治、經濟、宗教等方面的主張，也提供了許多寶貴的歷史資料，曾經得到南宋著名歷史學家李燾的重視，在今天也仍然具有較高的史料價值。

龍川略志和別志在長期流傳過程中產生了多種不同的版本，前人所見未備，故或至歧說紛紜，今將筆者所見諸本縷述於次：

一、北京圖書館特藏傅增湘校影宋抄本（簡稱傅本）。此本係據吳門顧逸鶴所藏宋本影抄，略志六卷，別志四卷，各有一序〔一〕。

二、浙撫進呈范氏天一閣抄本（簡稱范抄本），僅別志八卷，有目錄。

三、清吳錫琪抄本（簡稱吳抄本），僅略志十卷。

以上兩種皆轉抄本，現藏上海圖書館。

四、百川學海本、四庫全書本略志十卷，稗海本、四庫全書本別志二卷，都是通行的本子。

五、涵芬樓本，略志十卷係據叢書堂抄本，別志二卷係據四庫全書本，有夏敬觀校與跋。夏氏校勘頗見成績，惜所見未廣，跋語欠當，不過這仍是通行本中較好的本子。

我們以涵芬樓本爲工作底本，保留了夏校的主要成果，參校了其他各本及筆記小說大觀、說郛、舊小說等節本，並據傅本補入了龍川別志序一篇。夏氏校記除少數外，均予刪除，以簡篇幅。

俞宗憲

一九八〇、十、三十

〔一〕參看傅增湘藏園羣書題記續集卷三校影宋本龍川略志別志跋。

龍川略志引

予自筠徙雷，自雷徙循，二年之間，水陸幾萬里，老幼百數十指，衣食僅自致也。平生家無尤物，有書數百卷，盡付之他人。既之龍川，雖僧廬道室，法皆不許入。哀橐中之餘五十千〔一〕以易民居，大小十間，補苴弊漏，粗芘風雨。北垣有隙地可以毓蔬，有井可以灌，乃與子遠荷鋤其間。既數月，韭、葱、葵、芥，得雨全出，可殖可芼，蕭然無所復事矣。然此郡人物衰少，無可晤語者。有黃氏老，宦學家也〔二〕，有書不能讀。時假其一二，將以寓目，然老衰昏眩，亦莫能久讀。乃杜門閉目，追思平昔，恍然如記所夢，雖十得一二，而或詳或略，蓋亦無足記也。遠執筆在傍，使書之於紙，凡四十事，十卷，命之龍川略志〔三〕。

校勘記

〔一〕哀橐中之餘五十千 傳本作「哀橐中之餘鬻之，得五十千」。

〔二〕宦學家也 「宦」原作「官」，據傳本及宋孫汝聽蘇頌續年表改。

〔三〕十卷命之龍川略志 傳本作「六卷，元符二年孟夏二十九日」。

目錄

龍川略志

龍川略志引……………三

第一卷

夢中見老子言楊綰好殺高郢嚴

震皆不殺……………一

燒金方術不可授人……………一

養生金丹訣……………三

慎勿以刑加道人……………四

第二卷……………七

醫術論三焦……………七

王江善養生……………八

趙生挾術而又知道……………九

第三卷

與王介甫論青苗鹽法鑄錢利害……………三

論榷河朔鹽利害……………五

議遣八使搜訪遺利……………六

第四卷

許遵議法雖妄而能活人以得福……………九

張次山因一婢知周高而刺配

海島……………二〇

契丹來議和親……………二〇

議賣官麴與榷酒事……………二二

江東諸縣括民馬……………二三

第五卷

議定吏額……………三五
放買撲場務欠戶者……………二六
不聽祕法能以鐵爲銅者……………二七
王子淵爲轉運使以賤價收私販

乳香……………二七
辨人告戶絕事……………二六
言水陸運米難易……………二九

第六卷

享祀明堂禮畢更不受賀……………三三
戚里僕隸不得改官……………三三
皇后外家皆當推恩……………三三
李湜復議罷蒔竹……………三四
西夏請和議定地界……………三五

第七卷

議脩河決……………四〇

第八卷

陝西糧草般運告竭可撥內藏
繼之……………四六
議罷陝西鑄錢欲以內藏絲紬等
折充漕司……………四九
兩浙米貴欲以密院出軍闕額米
先借……………四九
天子親祀天地當用合祭之禮……………五〇

第九卷

董敦逸黃慶基言事不實並出知
軍州……………五四
議除張茂則換內侍舊人……………五五
議奏薦門客……………五七
議賑濟相滑等州流民……………五八

第十卷

李昊言養生之術在忘物我之情……………六三

鄭仙姑同父學道年八十不嫁	三
費長房以符制服百鬼其後鬼竊	
其符	六
徐三翁善言人災福	六

龍川別志

龍川別志序	七
卷上	九
卷下	六
跋	一〇三

龍川略志第一

夢中見老子言楊綰好殺高郢嚴震皆不殺

予幼居鄉閭，從子瞻讀書天慶觀。治平初，在京師夢入三清殿，殿上老子像高三二尺，狀甚異，能與人言，問者非一也。予亦謁而問焉，謂予曰：「子知楊綰乎？」曰：「唐之賢相也。」「子知高郢、嚴震乎？」曰：「郢文臣，震功臣也。」「三人孰賢？」曰：「郢、震雖賢，其不及綰遠矣。」曰：「此人皆終尚書僕射，然綰不至上壽，而郢、震皆耆艾乃死，子知其說乎？」曰：「不知也。」曰：「綰好殺生，而郢、震皆不殺，此其所以異也。子其志之！」予夢中固不詳三人之然否也，起閱唐書，三人官秩、壽考皆信，獨不見好殺與否耳。

燒金方術不可授人

予兄子瞻嘗從事扶風，開元寺多古畫，而子瞻少好畫，往往匹馬入寺，循壁終日。有二老僧出揖之曰：「小院在近，能一相訪否？」子瞻欣然從之。僧曰：「貧道平生好藥術，有一方能以朱砂化淡金爲精金。老僧當傳人而患無可傳者，知公可傳，故欲一見。」子瞻曰：「吾不

好此術，雖得之，將不能爲。」僧曰：「此方知而不可爲，公若不爲，正當傳矣。」是時，陳希亮少卿守扶風，平生溺於黃白，嘗於此僧求方，而僧不與。子瞻曰：「陳卿求而不與，吾不求而得，何也？」僧曰：「貧道非不悅陳卿，畏其得方不能不爲耳。貧道昔嘗以方授人矣，有爲之卽死者，有遭喪者，有失官者，故不敢輕以授人。」卽出一卷書曰：「此中皆名方，其一則化金方也。公必不肯輕作，但勿輕以授人。如陳卿，慎勿傳也。」子瞻許諾。歸視其方，每淡金一兩，視其分數不足一分，試以丹砂一錢益之，雜諸藥入甘鍋中煅之，鎔卽傾出，金砂俱不耗，但其色深淺班班相雜，當再烹之，色勻乃止。後偶見陳卿，語及此僧，遽應之曰：「近得其方矣。」陳卿驚曰：「君何由得之？」子瞻具道僧不欲輕傳人之意，不以方示之。陳固請不已，不得已與之。陳試之良驗，子瞻悔曰：「某不惜此方，惜負此僧耳，公慎爲之。」陳姑應曰：「諾！」未幾坐受鄰郡公使酒，以贓敗去。子瞻疑其以金故，深自悔恨。後謫居黃州，陳公子慥在黃，子瞻問曰：「少卿昔竟嘗爲此法否？」慥曰：「吾父既失官至洛陽，無以買宅，遂大作此。」然竟病指癰「」而沒，乃知僧言誠不妄也。後十餘年，謫居筠州。有蜀僧儀介者，師事克文禪師。文之所至，輒爲修造，所費不貲，而莫知錢所從來。文祕其術，問之，不以告人。介與省聰禪師善，密爲聰道其方，大類扶風開元僧所傳。然介未嘗以一錢私自利，故能保其術而無患。

養生金丹訣

予治平末泝峽還蜀，泊舟仙都山下，有道士以陰真君長生金丹訣石本相示，予問之曰：「子知金丹訣否？」道士曰：「不知也。」然士大夫過此，必以問之，庶有知之者。」予佳其意，試問以燒煉事，對曰：「養生有內外。精氣，內也，非金石所能堅凝。四支、百骸，外也，非精氣所能變化。欲事內，必調養精氣，極而後內丹成，內丹成，則不能死矣。然隱居人間久之，或託尸假而去，求變化輕舉^{（一）}，不可得也。蓋四大，本外物和合而成，非精氣所能易也。惟外丹成，然後可以點瓦礫，化皮骨，飛行無礙矣。然內丹未成，內無以受之^{（二）}，則服外丹者多死，譬積枯草弊絮而寘火其下，無不焚者。」予甚善其說，告之曰：「昔人有服金丹不幸赴井而死，既而五臟皆化爲黃金者。又有服玉泉，死於盛夏，而尸不敗壞者。皆無內丹以主之也。子之說信然哉。」後十餘歲，官於南京，張公安道家有一道人，陝人也，爲公養金丹。其法用紫金丹砂，費數百千，期年乃成。公喜告予曰：「吾藥成，可服矣。」予謂公何以知其藥成也。公曰：「抱朴子言：藥既成，以手握之，如泥出指間者，藥真成也。今吾藥如是，以是知其成無疑矣。」予爲公道仙都所聞，謂公曰：「公自知內丹成，則此藥可服，若猶未也，姑俟之若何？」公笑曰：「我姑俟之耶。」

慎勿以刑加道人

予在王公君貺大名幕府，嘗有丐者，以大扇傷一婦人而盜其首飾，於法爲強盜，當死。予訊之，盜曰：「我乃學道者，且善相手，魏人多知我，我非盜也。」問之衆人，信然。然盜狀明白，不可諱。予言之君貺，君貺曰：「道人勿加以刑。使來，吾自訊之。」卽曰：「此風狂人也，釋之。」予退問丐者所從來，曰：「我利州山峽民家子也。少病癩，父母棄我山中，三日哭不絕聲，嶺上有一人循微逕而下，顧憐我。我告之故，曰：『吾家在谷中，汝苟能從我，爲我拾薪汲水足矣。』卽起從之。因教導引行氣，數年，癩疾良愈。復謂我：『汝宿業厚，當終身勤苦，乃免於病。此非汝所居，出山行乞，勿與平人齒，若美衣甘食，則病復作矣。然汝無以免飢寒者，誨汝相手，可以自養，有餘，卽以與人，勿畜也。』我遊四方久矣，未嘗敢違其言也。」予以告君貺，君貺善待之。因爲與言：「吾昔登科，謁退傅張公，公曰：『君異日必貴，有道人犯法，慎勿刑也。』吾請其故。公曰：『吾少爲射洪令，縣方捕劫盜，弓手於山中執一人，不知所從來，曰：此劫者也。吾視其人非兇人也，命脫械釋之。官吏皆爭，吾告之曰：果劫也，吾任其咎。其人既得釋，乃前問曰：公何以知我非劫也？吾告之曰：吾視汝非劫者耳。曰：公真不可得。我誠非劫，而迹似之。然我本學道，有師在山後，其徒僅十人，使我出市

藥，不幸而執。今歸告師，三日復出見公矣。如期卽至，曰：我師奇公不凡，使我召公入山學道。吾笑曰：吾有官守妻子，未暇從汝師。其人曰：我師固知公未能也。有藥在此，可日服一丸，藥盡，我復來見公。藥可數合許，貯以小合，如其言服之。藥盡，其人復至，問藥安在。曰：服之盡矣。其人驚曰：此藥有毒，他人服之必病，今不能病公，公真奇人也，今世必享上壽，貴極人臣，若求白日上昇，則來世矣。吾自此未嘗以刑加一道人。』君貺孰視予曰：『君亦貴人也，勿忘張公之言。』予應之曰：『諾。』後二十餘年〔六〕，予爲戶部侍郎，稅居張公舊第之西偏，見公諸孫，道公將薨之歲，有道人叩門，公見之曰：『此射洪故人也。』與之飲終日。留藥遺公，退如逆旅，蟬蛻而去。服其藥，則射洪所服藥皆下，命埋之第中三清堂後。沐浴，盛服，卧帳中，使妓奏琵琶，移時不止。發帳視之，公則蛻矣。

校勘記

〔一〕指癰 傳本作「背癰」。

〔二〕求變化輕舉 「求」原作「來」，據傳本改。

〔三〕內無以受之 原作「內無交之」，據傳本改。

〔四〕吾少爲射洪令 「少」下原衍「以」字，據傳本刪。

〔五〕果刼也。吳抄本作「果刼者也」。

〔六〕後二十餘年。「十餘」二字原脫，據傳本補。按：蘇轍由大名推官至戶部侍郎約二十餘年，見蘇頌
濱年表及宋史卷三三九蘇轍傳。

龍川略志第二

醫術論三焦

彭山有隱者，通古醫術，與世諸醫所用法不同，人莫之知。單驤從之學，盡得其術，遂以醫名於世。治平中，予與驤遇廣都，論古今術同異。驤既言其略，復歎曰：「古人論五臟六腑，其說有謬者，而相承不察，今欲以告人，人誰信者？古說：左腎，其府膀胱；右腎，命門，其府三焦，丈夫以藏精，女子以繫包。以理主之，三焦當如膀胱，有形質可見，而王叔和言三焦有臟無形，不亦大謬乎！蓋三焦有形如膀胱，故可以藏，有所繫；若其無形，尚何以藏繫哉？且其所以謂之三焦者何也？三焦分布人體中，有上中下之異。方人心湛寂，慾念不起，則精氣散在三焦，榮華百骸；及其慾念一起，心火熾然，翕撮三焦精氣，入命門之府，輸寫而去，故號此府爲三焦耳。世承叔和之謬而不悟，可爲長太息也。」予甚異其說。後爲齊州從事，有一舉子徐遁者，石守道之壻也，少嘗學醫於衛州，聞高敏之遺說，療病有精思。予爲道驤之言，遁喜曰：「齊嘗大飢，羣丐相鬻割而食，有一人皮肉盡而骨脈全者。遁以學醫故，往觀其五臟，見右腎下有脂膜如手大者，正與膀胱相對，有二白脈自其中出，夾脊而

上貫腦。意此卽導引家所謂夾脊雙闕「一」者，而不悟脂膜如手大者之爲三焦也。單君之言，與所見懸合，可以正古人之謬矣！」

王江善養生

丐者王江，居宛丘，喜飲酒，醉卧塗潦中，不以爲苦。嘗大雪，或以雪埋之，其氣勃然，雪輒融液。遊於市中，常髻角戴花，小兒羣聚摔罵之，江嬉笑自若。往往販鬻餅餌，晚不能售，輒呼與共食。人田舍，父老招之食飲，醉飽卽睡，婦女在側，江不以自疑，人亦信其無他也。以此陳人敬愛之，至畫其像，事以香火。劉述爲京西漕「二」，至陳，欲見江。方入城，江當道大罵，劉亦不知其江也，俾州撻之。明日，召江愧謝。江笑曰：「罵運使受杖，分也。」亦不謝。士大夫知其異，百計欲問其術，輒佯醉極口罵，終莫能問者。熙寧中，予爲陳學教授，屢以酒邀之，飲不甚多，曰：「年老氣衰，不能劇飲如往日矣！」大肉、硬餅，亦皆不食。每欲啗，輒中止而嚙，若喉中時有流水者然。畏其罵，不敢問也。一日言及養生事，江拂然欲罵，予曰：「予以畏罵，久無所問，今日語，適然耳，非欲盜法也。且吾欲學道，開卷求之，雖不盡得，亦過半矣！顧方溺世故，妻孥滿目前，雖使呂公來，其如我何，而況爾耶？」江笑曰：「君言是也。」予因曰：「吾決不問子術。姑告我昔本何人，緣何學道而已。」江曰：「我本考城」